



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026743 25
Sarajevo, 30.12.2025. godine

SUD BOSNE I HERCEGOVINE
S A R A J E V O
-Sudiji za prethodno saslušanje-

Na osnovu člana 35. stav (2) tačka i), te člana 226. stav (1) i člana 227. Zakona o krivičnom postupku Bosne i Hercegovine (ZKP-a BiH), p o d i ž e m

OPTUŽNICU

PROTIV:

JAŠAREVIĆ MEVLIDA, rođen 1988. godine u Novom Pazaru, Republika Srbija, državljanin Bosne i Hercegovine i Republike Srbije.

Što je:

U mjesecu novembru i decembru 2024.godine, u Zavodu za izvršenje krivičnih sankcija, pritvora i drugih mjera BiH, u Istočnom Sarajevu, gdje se nalazi na izdržavanju kazne zatvora od 15 godina po presudi Suda BiH broj S1 2K 007723 13 Kžk od 20.11.2013.godine, žaleći se da mu nisu odobreni pisani kontakti sa osobama sa kojima je zahtjevao, koji kontakti su mu uskraćeni osnovano, **izrevoltiran takvim odlukama, u namjeri da službena lica zavoda u institucijama Bosne i Hercegovine¹, spriječi u vršenju službenih radnji koje preduzimaju**

¹ Član 1. stav 3. Krivičnog zakona Bosne i Hercegovine Hercegovine („Sl. glasnik BiH“, br. 3/200-isp., 37/2003, 54/2004, 61/2004, 30/2005, 55/2006, 8/2010, 47/2014, 22/2015, 35/2018, 46/2021, 31/2023 i 47/2023).

u okviru svojih ovlaštenja na osnovu člana 19. Zakona o izvršenju krivičnih sankcija, pritvora i drugih mjera ("Službeni glasnik BiH", broj: 22/16), i to ... „(...)“ i ... „(...)“, na način da je dana ...2024.godine, u prostorijama Zavoda za izvršenje krivičnih sankcija, pritvora i drugih mjera BiH, prilikom obavljanja redovnog razgovora sa Mevlidom Jašarevićem, kojem su prisustvovali „{...}“, u namjeri da ih onemogućući u vršenju službene radnje obavljanja intervjuja, otvoreno zaprijetio ... „(...)“ obrativši joj se riječima „da će kada mu se pruži prilika uzeti nož iz kuhinje i ući u njenu kancelariju, aludirajući da će je fizički napasti i nanijeti joj povrede!“, svjestan da na taj način ozbiljno prijeti da će upotrijebiti silu u cilju da spriječi službeno lice u obavljanju službene radnje koju je preduzelo što je i htio, te dana ...2024.godine, u prostorijama Zavoda za izvršenje krivičnih sankcija, pritvora i drugih mjera BiH, tokom obavljanja razgovora sa drugim zatvorenikom u okviru procedure tretmana, u namjeri da ih spriječi u obavljanju službene radnje službe tretmana, u prisustvu ... „(...)“, pokušao fizički da nasrne na ... „(...)“, u čemu ga je spriječio zatvorenik Zavoda, „(...)“ koji se tu zatekao, pljunuo u pravcu istih i zaprijetio im riječima: „Da će ukoliko se ne postupi po njegovim zahtjevima zažaliti navedene oštećene službenice i njihove porodice“, obraćujući im se uvredljivim rječima i psovkama: „Krpe jedne je..b..m li vam majku“, koji napad je zabilježen na video snimku Zavoda za izvršenje krivičnih sankcija, pritvora i drugih mjera BiH, oduzet po naredbi Suda broj ... Kpp od ...2025.godine, a sve u namjeri i sa ciljem da spriječi i ometa obavljanje njihovih redovnih službenih radnji u toku provođenja procedure utvrđivanja izricanja mjere zabrane obavljanja poziva i pisanih kontakata tokom izdržavanja kazne, koje mjere su mu tokom 2025.godine više puta izrečene.

Dakle, silom i prijetnjom da će direktno upotrijebiti silu, pokušao spriječiti službeno lice u institucijama Bosne i Hercegovine, u vršenju službene radnje koju je preduzelo u okviru svojih ovlaštenja,

Čime je počinio krivično djelo - Sprečavanje službenog lica u vršenju službene radnje iz člana 241a. stav 1. u vezi sa članom 26. Krivičnog zakona Bosne i Hercegovine („Službeni glasnik BiH“, br. 3/200-isp., 37/2003, 54/2004, 61/2004, 30/2005, 55/2006, 8/2010, 47/2014, 22/2015, 35/2018, 46/2021, 31/2023 i 47/2023), sve u vezi sa članom 54. stav 2. KZ BiH.

TUŽILAC
TUŽILAŠTVA/TUŽITELJSTVA BiH